

琴學心聲諧譜

聽琴詩序

莊子蜩庵。禁學心聲。妙天下。所更
多。高人韻士。聞其雅操。輒作為詩歌。
以贈之。迭相唱和。於是。有聽琴詩。而屬
艾田叙之。艾田曰。夫詩。與琴。其有殊乎。

琴。無字之詩也。詩。無弦之琴也。無字而
字。絲桐有口。無弦亦弦。咏嘆何心。孰
從而殊之。雖然。豈無殊。二十七弦之清
濁高下。十五國風之貞淫邪正。微顯不
侔也。伯牙子期。號稱知音。而詩不傳。

五柳先生詩思孔石而鋒間掛無獨
樂不聞其以標縵名也殊矣。今吾讀
詩與琴不殊。莊子亦自謂不殊。非唯吾
與莊子。即天下當無有殊主者。何也。聲
音之道通乎性情。激與顯皆是。昔者夫

子常學琴矣。而又常刪詩。惟弼與歌。
其揆一焉。高山流水。神明乎詩者也。以
元亮之雅遠。而謂其不知音可哉。然則
詩与琴洵無殊也。必曰有殊。聽之者殊乎。
人生而靜。感物而動。微哉聽乎。吾將

以聽之。一彈再鼓。一三歎。氣已復出。
成連再生歟。以不聽之。宮商未調。以
前。弦奏既終而後。聞然寂然。斯際也。
誰爲之。孰令聽之。此其故。莊子不言
也。聽者不言也。吾欲言之而不能也。莊

子不言而託于聲。聽者不言而見于
詩。吾不能言而識于序。然則今者不
惟聽琴而已。并將聽詩。夫聽詩猶聽琴
也。琴耶。詩耶。聽之者耶。善學者
心知其意。而琴與詩長留天地間。

康熙丁未中春艾田楊雍建題于梧

乳樓

梧葉舞秋風序

詩重比歌。爰登清奏。名高顧曲。要辨雅音。文梓桐峰。
挹皇風於天末。鳳絲雁柱。奮奇響於雲中。是以師曠。
援操。四時爲之易序。亦粵成連。蹈海。萬籟忽爾移情。
乃有蜨菴莊子。特標韶韻。夙擅琴心。謂變徵清商。殊。
傷淫厲。卽高張捉拍。無當和平。綠綺朱絃。獨存古調。
秋風梧葉。更製新聲。按拍則逸思遡飛。撫節則孤懷。
忽往。憶雄才而歌迴汾水。動羈旅而葉下銀牀。爽氣。

橫空起青萍。以初振輕陰。佇月遲美人。其未來。不須
落葉哀蟬。增其淒斷。方之梅花楊柳。自具風流。余多
病早衰。尋聲易感。龍門百尺之幹。未能斂以黃金。騎
省二毛之篇。浪自傳爲白雪。廣陵城畔。重聽叔夜清
彈。西子湖邊。曾識中郎神解。一洗箏笛之耳。共謂君
優得親正始之音。座不我靳。云爾。

康熙庚戌中秋宛水愚道人施閏章拜題

秋鴻序

三山

鳳蝶菴氏自識

寧獻王好樂。延三十六師。各製一段而成譜。調用清商。余求之十年。得有四種。撫彈皆未洽心。甲申歲訪李寅李先生於樞萼塢。披雲掃石。拂几焚香。請奏斯曲。彷彿征鴻天外。寫破秋空。時而呼朋相喚。時而叫月驚霜。泛音弄處。風遲露冷。索響鳴時。遠落平沙。忽焉如張旭醉後濡髮艸聖。忽焉如鍾王真楷。鐵畫銀鈎。令廣寒仙子。藥杵聲清。繡閣佳人。搗砧韻逸。引我

於碧雲深處。叫開天門。誇青鸞彩鳳。隨雁行婆娑飛舞。俯視人間。直斗中天耳。先生乃解奚囊。授此秘譜。予復構思三季。請同志者共聽之。四座佳賓。皆踴躍而起。共稱絕唱。虞絃之妙。其觀止矣。余恐先生發明之功。與余究研之苦。如嵇叔夜廣陵散。不傳於世。湮沒無聞。令好學者。每加惆悵。故詳叙之。

聽琴詩目

序

附自叙

賦

辭

四言古

附聯詩

七言古

附歌行

五言律

七言律

五言排律

七言排律

五言絕句

六言絕句

詩餘

樂府

跋

并俟

名公雅作

贈隨鐫以借不朽

聽琴詩日終

琴賦

錢塘陸次雲

雲士

繁彼古樂。爰有八音。吸竹吹匏。戛石敲金。革響振陽。
土韻調陰。絲木相兼。惟瑟與琴。嵇琴之製。肇自羲皇。
嶧桐情柔。文梓性剛。調合中和。元音始揚。象天之圓。
法地之方。龍池龍吟。鳳沼鳳翔。四序流遷。八風翕張。
三尺雖微。造化蘊藏。真返聖賢。教敷帝王。是以堯撫
絃而暢神人。舜思親而格昊蒼。襄陵操於大禹。訓佻

奏夫成湯。周文歌乎玉門。宣尼學自師襄。穆穆乎。渢渢乎。時悠然而思。時澹然而忘。一唱三歎。並洋洋乎。大雅之章。傳之伶倫。奏之廟堂。損益屢更。易羽移商。五絃含五行之精。九絃分九星之光。一絃自清。其一心。無絃不鼓。而無傷。加文武而爲七。惟萬世之可常。桓有號鍾。莊有繞梁。水僊聽海上。以移情。神女理吳亭之明光。衛媛寄貞心於思歸。伯奇託純孝於履霜。單父鳴而和樂。雍門感而亡。文君順耳。憶綠綺乎。

相如。文姬慧心。辨焦尾。子。琴標高節。平戴逵。
碎琴求知音於子昂。長清短清。和長側短側之曲。秦
聲楚聲。擅秦人楚人之長。佳話垂之奕世。被簡冊而
芬芳。洎平後。祺南雅淪亡。潘啟桑間。響遏玉牀。琵琶
入懷。絃索登場。箏竿箜篌。節蕩音狂。嗟莫砥其迴瀾。
爲君子之憂傷。迺有莊生。漆園之裔。吸星斗而在胸。
吐虹蜺以成氣。坐大隱於溪山。走上仙於陸地。說劍
術其通神。全儒修而游藝。欲正樂而起衰。紹先民之

精意。攜練絃以自隨。道已進乎其技。爾廼游名山。歷
大川。訪奇書。問異傳。策浩然之蹇足。泛志和之畫船。
旣周覽乎奧區。過聖湖而流連。余久聞聲。邂逅相遇。
一揖神親。片言情注。風便方來。日移不去。爲余特奏
高山。憫十年之思慕。於是出槁梧。當清秋。寶軫旋。瑤
徽浮。素指動。逸韻流。大絃洪。小絃幽。其始作也。如山
雲初起。寸膚不合。乍縷縷而油油。其少縱也。如大塊
噫氣。起青蘋之末。窮碧落之天。肆迴薄而颼颼。其入

於神。不自知其然而然也。如子之御風。蓬蓬焉而西。蓬蓬焉而東。與造物而同游。其曲終也。如唳收乎。皓鶴如羽。戢乎鳴鳩。訓既往而猶復。音已逝而仍留。匪名言之可傳。有靜理之堪求。乍一聽兮。心神清而肢體輕。蕩煩鬱而滌百憂。余旣爲之賦。而重爲之亂。曰。一奏雲起。再奏雨施。古有師曠。其道能之。一奏泉湧。再奏芝出。古有嵇康。精乎其術。今我莊生。兼兩長而技絕。超子晉之吹笙。邁瓠巴之鼓瑟。卑蕭史之品。

蕭。薄。桓。伊。之。弄。笛。譜。琴。學。之。心。聲。繼。皇。初。之。雅。轍。障。
鄭。衛。之。頽。波。藉。天。吳。之。偉。力。余。也。抽。思。媿。乎。崔。駟。騁。
詞。遜。夫。林。奕。旣。伯。牙。之。獲。逢。豈。子。期。之。莫。識。聊。走。筆。
以。贈。言。誌。千。秋。於。一。日。

辭

栩栩出

錢塘毛先舒

稚黃

栩栩者蝶耶。遠遠者睫耶。容與而紆適者器之法耶。
流風灑雨。何蕭颯耶。金戈鐵騎。太拉雜耶。徐而聽之。
理相荅耶。元音之流。浩浩喪匹耶。周之與蝶。二耶一
耶。

猗歟蝶庵。太古之民。少學劍術。雷轟而電犇。晚托絲
桐。靜娛其神。神之聽之。旣和且平。旣淵且清。日晉以

滌蕩夫胸中之埃塵。德必有鄰。何寥寥兮陽春。

二京兮三都。我遐思兮西湖。囊有琴兮音不孤。聊可
代兮萱蘇。梧黃蘆白兮。冰霜載途。我其驅車兮。訪宋
林逋。淡粧西子兮。銀濤伍胥。吾與結異代之交契兮。
况當今之楷模。

西風泠泠白雁鳴。艸木零落遙山明。屏居蕭寺寂無
侶。泠泠金徽膝上橫。一彈高山振衣不得陟。再彈流
泉清兮可濯纓。是誰排戶寄。一聽伊人與我稱。同聲。

徘徊復徘徊。珠露下以久。即人。流光輝。光輝明素手。

佳人渺何處。碧雲瀾衰柳。我願挾冷風。青天堪問否。

我與君兮晤於斯。兩人相對兮開襟期。愧我無似兮

當君之奇。我將鬢兮君支頤。清彈朗歌兮日薄暉。願

爲白鶴兮冲天高飛。

妙矣乎枯桐。海濤兮天風。驟雲霓兮鸞尾紅。導鶯笙

兮僊紛從觴。瑤池兮弱水在東。與阿母兮耳語喁喁

放之彌六合兮。歛之心胸。十指之外兮。七絃之中。松

風松風松際風澹蕩而錚鏦勁捷兮春容妙在其中

古有莊生今有莊生不知莊化爲蝶蝶化先生是三
是一吾何以明之噫未免有情

晴晴雨雨暖還涼桂子荷花十里香僧舍總如青雀
舫人家多占白鷗鄉鳳凰山頂留雙闕花艸吳宮久
埋沒春色年年送逝波曉風夜夜吹殘月

昔人有云有道之器無累之神今我作歌以贈君君
試鼓之音和文寂寞兮清幽仰視兮浮雲

終曲

四言古風

山陵章

駉

天節

冉冉歲寒。零落羣卉。節徙心愴。孰與言志。乃邁伊人。
漆園之裔。爰聆好音。羲皇之器。于何伐矣。楚丘之桐。
云何奏矣。虞廷之風。朱弦疏越。和平從容。誰其作之。
實維晏龍。猗猗者蘭。空谷載芳。噦噦者鳳。高岡載鳴。
五音六律。君宮臣商。知音者希。古今惻傷。泠泠綠聲。
妙指靡及。絃長徽鳴。調起聲息。蜀客言愁。齊臣掩泣。
潺湲水流。蕭瑟風入。跂予望矣。云誰之思。西方美人。

東國予師。我心惴惴。庶幾覲之。豈必海水。情爲之移。
對酒當歌。維憂用老。四座勿喧。月出皓皓。其人柔嘉。
其音靜好。聊以忘憂。勿令如擣。

五言古風

虞山錢朝鼎

桑谷

貞松擢喬柯。瀟灑生崇岡。下有玉龍吟。夾礪聲浪浪。
我非元亮儔。託迹本柴桑。清時際雍熙。古風合虞唐。
山水契元聲。正音希廟堂。氷徹明素心。丹靈發宮商。
此意誰先得。無乃推老莊。莊老氣淵冲。鬚髮照紫蒼。
願言調素絲。爲我寫瀟湘。初奏萬山寂。再鼓鸞鶴翔。
半希音漸飛。風雨生堂皇。更高紛疾徐。龍濤怒錢塘。

平輪到虛冷。孤雁入微茫。燈殘月華白。曲終宵未央。
江空嫋餘韻。越雲低畫梁。我筇嗜此音。午夜清興長。
輾轉不能寐。得心驚欲狂。旬季混窮塵。倚蘭旋穢荒。
一聞莊老彈。棘手徒徬徨。自今各努力。盡此流霞觴。
嵇生莫可作。廣陵原未亾。雅歌今在斯。對茲好年光。
相期復相樂。眞風存太康。美哉太平奏。咸諫當頡頏。

禹航嚴

樽

庚午

日暮橫素琴。長松動寒色。嗚。吟復歌。揮絃響忽息。

沙鴻天未來。迢遙生遠憶。口。重湖明。煙迷複嶽匿。
匡坐思文王。望。牟欲相識。

錢塘潘

琳

慰湘

閒館衆響寂。天籟長悠悠。桂影浸涼榭。蓮衣蕩遠洲。
靜與道心永。清令塵境幽。俯仰天地窄。嘯傲誰爲儔。
蝶菴本逸彥。自許蒙莊流。觀魚臨濠水。採藥登丹丘。
昨偶抱琴至。岸幘西湖頭。一彈出素鮪。再鼓驚白鷗。
希音具微理。操縵難卒求。逸調絕古今。大雅茲能留。

曲罷悵難別。坐聽松風秋。元鶴倘飛來。吾將乘之遊。

武源馮懋功

元寶

負笈來初地。心怡境自偏。談經森竹下。執卷茂林邊。
傾蓋多羣彥。盍簪推大年。錦琴攜鳳尾。寶劍拂龍泉。
久作湖山客。時登鄉相筵。撫桐操逸調。握管叶新編。
身置羲皇世。神遊懷葛天。松風聲謾謾。簾月影娟娟。
執鞭欣後進。推轂慕前賢。別去多愁思。興懷一惘然。

平張偉

圖麟

樓高天外空。空生琴上風。八絃入指指去聲。還空。
君意不在琴。琴心不在指。君意與琴心。浩浩錢塘水。

海昌查繼甲 英來

有桐生嶧陽。孫枝盡盈把。柯幹凌雲霄。華葉蔭原野。
鸞鳳擇枝棲。榮綺宅其下。鬱紆已千年。儔復識音雅。
先生家三山。中散同瀟灑。斲之被五絃。絃絃幽思寫。
一彈出游魚。再彈仰秣馬。萬物皆感動。斯人和獨寡。
悠悠塵世間。誰是知音者。其一

知音亦非難。先生一再彈。別鵠聯舊好。求鳳締新歡。
鍾山賞松石。襄陵泣金蘭。防風舞庭際。王喬墜雲端。
斯理果神妙。安問靈與頑。初調振絕谷。終曲起鳴鸞。
中間指齊發。江海生波瀾。繁葩風歷歷。神女珮珊珊。
太素存懷葛。轉弄度岑巒。作賦推齊物。况復鎔金丹。
有時南薰奏。和鳴向紫鑾。其二

荻城吳光

長庚

日入羣物默。默久琴始言。斯者誰氏。曰今之漆園。

黃鶴萬里回。兀然秋樹根。永忽在眼。夫孰知其原。
夕鳥下寒荔。鼎鼎月在軒。

三山邵標春

是麓

曉坐軒氣清。秋空浣天宇。叢桂微有華。靜叅晦堂語。
竭來吾里客。仙姿澹如許。攜贈冰雪文。泠泠七絃譜。
雅曲十二章。超然足懷古。展讀移我情。興會此標舉。
高柳拂紫星。寒甍瀉蒼雨。綿延苑雲飛。廻翔縹鶴舞。
達越復春容。琤琮宮與呂。願聆指上音。欣從卷中取。

正如濠上觀魚我樂斯。觀側聞琴之理。靈異不一數。
精良若茲篇。庶得神明伍。何期抱素絲。山椒或水許。
明月西陵橋。一彈復再鼓。願我並先生。偕產閩中土。
公爲周後身。媿我行踣旅。物表仰清修。高鴻獨延佇。
三疊舞仙胎。時與玉宸侶。還奏太平曲。爲助薰風補。

鄢陵韓則愈

秋岩

嵇君久已歿。廣陵散亦絕。落落踰千年。俗子昧音節。
按譜亦徒然。懷古生鬱鬱。人。莊蜩菴。抗志繼前哲。

雅調常自彈。瑤臺弄玉屑。負小奚。公卿腰屣折。
前年會祖山。清音數忝竊。修竹蔽虛堂。茗香恣怡悅。
爲我奏心聲。陽春灑白雪。我情爲之移。海天何寥泐。
回首念風塵。世網無由裂。他日從君游。紫芝共採擷。

秦中李子燮

以理

故人十載別。見我西湖陰。斗酒坐談讌。當軒理素琴。
調高知和少。絃靜有遺音。顧茲清商奏。兼之久客心。
風雨忽忽來。激楚不能任。雅操亮已久。佳會豈重尋。

以我青山約。況君流水音。何時謝喧雜。把臂雲壑濱。

黃山吳震
長公

大藥參天地。琴材象二儀。靡靡鄭風久。斯道日盈衰。
於今有莊子。振古辨其疑。彷彿伯牙是。至雅真吾師。
夫子遡其原。世人徒乖披。一彈天爲徹。再鼓月行遲。
心韻聲悠遠。指靈絃調隨。高峰凝碧漢。潭水淨波時。
奔雷風掃電。細雨颺輕絲。置身八極外。魂清神自怡。
莫嗟識者少。幽意古人知。

涪川劉體仁公啟

夏曉靜如秋。荒庭蒨苔厚。漆園有逸客。攜琴入座右。
散序譜希聲。清風拂前後。雲鶴摩遙響。驚湍迅谷口。
幾年箏笛耳。一洗十八九。余本淡蕩人。寂寞方自叩。
潁水清無極。磽田間林藪。肯令檢長檟。妨我揮絃手。
妙指空歎息。飛鴻度高柳。

遣山高詠

詠

阮懷

伏雨生早涼。暑服覺輕柔。廣陵客思歸。理櫂心夷猶。

莊子援琴至。忽然忘百憂。絃絃被新聲。高入青雲流。
師工不能聽。眼耳不及謀。心精有神解。按節赴所求。
初爲旋宮曲。由條萌始抽。陽和解凝滯。百鳥鳴相酬。
再鼓變清商。惻愴江潭幽。舉首眎河漢。薄霄淡未收。
水樹澄夜景。落月庭明留。所思忽無端。稍得恣冥搜。
天地有噫氣。鼓物不肯休。唱喁或宵號。感者爲春秋。
始知聲與音。匪直手所撾。當用自愉悅。何爲輕我投。
我形如稿木。聒噪苦衆休。此薄箏笛。亦不願歌謳。

珍重好風期。與子濠上遊。

西陵王嗣槐

仲昭

南風吹芰荷。莊叟彈玉琴。匪止滌煩慮。兼以洗塵襟。
我方觸熱過。欣然聆清音。高山忽在眼。渺渺滄海心。
飛鳥舞空際。遊魚戲淵深。已疑來鴻候。頓改焦泉吟。
龍唇一以拭。灌木生幽陰。慙非鍾期子。緲思難追尋。

香山白夢鼎

近湛

太古有元音。朱絃何疏越。大者引風雷。細者靜絲髮。

匪獨心手閒。所貴養心骨。楚黃韋夫子。棲志神仙窟。
偶爾寄絲桐。胸懷於此發。高峰墜層雲。空江洗明月。
以此求幽人。古調不可沒。邂逅遇莊生。茲意雅相訥。
一彈清流深。再彈高雲兀。小絃何閒閒。大絃何咄咄。
出乎見道心。無爲世所忽。偶攜徐子來。年少心能竭。
山氣何玲瓏。川光乍明滅。芳草亦何心。古今不肯歇。
余也起傍徨。聽之思恍惚。龍門桐無枝。海天石有碣。
於此窮高深。清輝在林樾。

武陵叔回生

清卷

南華遺澤遠。雅望表吾宗。經史將韜畧。交蟠魄礪胸。
卷懷全道氣。歸隱謝侯封。命宦司丹竈。川雲傍赤松。
中閨懿德榮。入掌海珠重。駕水槃從考。蕪城膝可容。
彈琴延古意。種藥後時龍。利濟心逾熱。親仁笑易濃。
集方多異驗。訪道得奇逢。董奉杏花曉。蘇耽橘葉冬。
見粲甘露實。聞棄葛坡筇。何日攜松雪。相隨入碧峰。

山陽馬

駿

西樵

三山有逸叟。訪友抱琴游。晞髮耽仙隱。捫心絕怨尤。
九天飛似鷲。終日懶如鷗。易作休糧計。難爲鼎食謀。
王門無戴至。酒座有嵇留。指落泉爭響。聲希漏欲收。
高山懸四壁。野水過層樓。調合簫韶粹。情兼律呂優。
無文期見聖。動操忘拘幽。冥悟空山得。元音邃右悠。
簾輪風謖謖。松牖月修修。老避還丹路。閒移放鶴舟。
姓名女子記。肝膈友生求。懷不毛名紙。身長絕蒨綃。
川巖萬里畫。景物七絲抽。日。評莊生蝶。關關老氏牛。

百年寧帶索。五月合披裘。傳新語。行常任冥搜。
乾坤從浩蕩。蓬嶠信沉浮。一過同良讌。言從返故丘。
僧堂曲罷鼓。客徑菊還稠。證佛三千界。依人十二州。
惠風何處扇。真氣擇交投。清筭雙峯下。宜君醉好秋。
蝶庵年道兄不見既十更寒暑今得握聚湖頭索
詩以續琴部賦二十四韻博政兼誌八寅內聚散
之情耳

錫山鮑鼎銓

讓侯

名園罷宴賞。遙室結重陰。高賢托梵宇。忽漫同追尋。
銀床佛火細。紺殿雲氣深。主人暮歸來。相見欣難任。
焚香煮新茗。開襟橫紫琴。爽籟發情性。妙理空古今。
清音振落木。夜靜爲龍吟。斷鴻鳴中天。清風生樹林。
中散久不作。千載誰知音。先生得其傳。山水活人心。

湖舟雅集聽琴待月。初夜分復霽聯句三十
三韻同遊者后城莊蝶庵臻鳳虎林李佩蒼綬
長山葉具京永垓富春陳快先登雲西陵朱次
公夢彪長山葉更生永堪鷺峰朱雪巢曉時丙
午中秋後二日也

高會當秋半。

蝶庵

商飈薦晚涼。南陂同結侶。

佩蒼

北海共

傾觴。皎月沉河漢。

具京

重雲鎖后梁。蛩聲啼岸側。

次公

荷

影亂波光。汎汎扁舟遠。

快先

絲絲細雨長。清言蜚四座。

更生佐史約三章。興逸羣爭幟。雪情豪各擅場。彈琴宜

叔夜。蝶顧曲有周郎。樂以人恒勝。佩交緣境愈芳。漁

燈明近浦。具雀舫聽鳴榔。與今天無際。次煙平水自

行。飛觥傳雅謔。快啜茗憶滄浪。星是長庚李。更園爲

蒙漆莊太丘稱秀穎。雪公故顧唐。夢得疇堪繼。蝶

冰心本自良。竹林真妙選。具鄴苑豈清狂。任意氣今猶

在。具風流古未妨。芳藁遙迴露。次桂蕊散清香。鶴唳

空穹宇。快鷄聲破大荒。誰雪白芾。更恰與奏清商。

岫遠雲全黑。雪堤衰柳半黃。鐘出古寺。蝶孤鴈落

荒塘。壯士心千里。佩伊人水一方。中懷同鬱鬱。具期

意總茫茫。刻燭搜奇句。雪停箏理艷粧。滿傾桑落酒。

蝶醉倚竹匡牀。鼓棹黃頭急。佩凭欄翠衲揚。詩成紅

錦段。具愁寄白羅裳。星曉平湖濤。火霞開遠樹蒼。西

陵留翰墨。恨南國集琳瑯。此會應難再。更他年慎勿

忘。晨煙吹北廓。雪旭日逗東牆。莫謂匆匆別。千秋與

未央。

雪地同素先安侯訪羽
存不遇蝶菴一字羽存

北平韓 畧

不勝

訪友三人行。泥中去有路。到門怪門閉。扣門小童出。
主人雖不在。亦入主人屋。几榻虛無塵。悠悠清客目。
余公興特趣。借琴彈一曲。琴來兼得爐。中有香馥馥。
調絃愛其聲。溫和如美玉。安侯尤畏寒。求火得倉卒。
因之煖十指。且以春雙足。茗樽沉清冷。落盞色新綠。
童子翻殷勤。教之必有素。坐起更伏彈。雪上光已暮。
汪君意徘徊。猶道落景速。一犬同出門。崎嶇返寒渡。

七言古風

橫山郭 礎 石公

昔人云。不爲宰相。卽當爲醫卜。蓋以濟一人而與
濟千萬人。有同心也。吾友莊蝶庵年兄。十年交好。
可敬而可久。少學書不成。而學劍。得食氣不傳之
秘。遂脫劍而隱琴棋詩酒之間。精古人烹煉藥餌
法。非學問所能到。且能見人之五臟六情。僑寓白
下。迨將以隱耶。余以北選蝶老南下。餞余古萊萸。

灣。余感之。留住瓊花艸堂。以廣其聲。贈別以言。
人生聚首搏冰雪。幾回相見幾離別。石頭城下百艸
香。春風送客梅花熱。我貧贈我辟穀丹。我俗贈別琴
兩折。吁嚟乎。世路重名不重實。如君之人。今古悅學。
成不患無知己。星荒土老碑在舌。

關中周

燦

星公

嶧陽之桐三千丈。亭亭直拂雲霄上。古帝斲之爲素
琴。萬代聲音由茲創。前有夔。已後叔夜。含商咀徵窮

神化。次如鄭五樂山人當代琴師亦辟舍。迄今寥落
千載餘。忍見朱絃覺凋謝。莊子蝶庵憫世俗。廿年研
究盡所欲。西風遇我湖亭上。爲彈高山流水曲。一彈
兩彈始正聲。三彈四彈漸有情。忽見七絃一齊奏。四
壁蕭然秋氣清。三峰華嶽絃間出。九曲黃河指下生。
疊嶂層巒飛戶牖。銀濤雪浪走簷楹。瞑目停絃復細
按。淒淒切切聲不斷。巫峽三更泣夜猿。洞庭八月叫
秋雁。座中盡是他鄉人。無人聞之不悲歎。莊子飄然

志不羣。何爲流滯越江濱。古今宗廟重雅樂。戲鶴潛
魚世罕聞。願攜綠綺朝

天闕。上助

至尊歌南薰。

宣城貢 或

鹿田

桐花妍露刺井牀。薜陰漏月浸絺裳。松風颭颭吹海
藟。天雲刮翳開虛堂。主人跣足搖白羽。泉聲沸耳鳴
篴簫。座中誰者漆園莊。神司飲水身滄浪。蓬萊欲住

不可住。移情撫絃思。茫茫山。高月小。魂欲渡。流水平。
橋隔煙霧。飄瀏老澗作濤吟。瀑布懸崖千丈注。溪老
徑險勢幽仄。古剎慳棼盤恨切。剴天開無數雲。萬
點青山秦剄直。洞庭始波木葉下。一泓澹碧隨流瀉。
兼葭采采夢伊人。相思十里春復夏。一彈一曲一關
情。蕭瑟埽竝古道深。燈下忽來中散客。良宵疑有謝
莊聽。

錢唐毛先舒

雅黃

梧桐生花空山裏。千五百年青化紫。誰人與之良有情。石城高士莊先生。先生風調真少和。二十餘年山中臥。忽夢羽客來何遲。起訪良材果得之。伐之斲之成古器。試鼓宮商各依位。參差十指去復迴。大聲細響錯落來。吟猱綽注語在手。往往秋星落楊柳。烟微月涼夜寂寞。狂風吹沙陡狀作。稍歇山木聲颼颼。孤猿引泣天爲愁。高山大海眼前是。成連刺船徒爲耳。坐中有客良知音。自言此曲寒人心。鴉啼雞亂天欲

曙未及曲終。起辭去。

西泠孫治

字台

僊客自廣陵。逍遙羅浮頂。手持黃庭內景經。口飲西
山葛洪井。相逢自愧塵縵擾。欲問叅同發深省。座中
橫陳百衲琴。鍾期伯牙誰知音。少焉淥水清徵出。冷
冷白雲深覆地。溯岸如聞丹洞開。風迴疑有真宰戲。
聽此已悉南華寶。何須服藥還補腦。吁嗟莊生再來
身。能盡雅聲爲至人。

梁鄒王命申

晦明

莊子蝶菴。漆園之後身。英姿卓犖。誰與倫。少年橫槊。
登壇早。須臾埋照。長干濱。揭來吳楚。恣遨游。酒徒劍
客。時淹留。生平自比蔡中郎。寒玉錚錚。山與水。心聲
十二曲。初成。雲璈大濩。庶堪擬。其他神巧。未易傳。黑
蛟白鵠。旋繞几。吁嗟乎。廣陵散絕。千古知。明光之曲。
久已遺。蝶庵歸狀。一魯殿。成連子。春今所師。

錢塘孫浣思

嘉客

莊公蒙莊之苗裔。一生雅興。薜荔松下手撫水紋。
鳴。天邊眼送飛鴻逝。楚蘭白雪多失傳。琴歌十二手
自製。今年逢我西湖曲。朱荷花香秋月霽。抱取瑤琴
爲我彈。若有美人送遙睇。初彈一曲梨雲春。梨花片
片飛湖濱。柳絲淡蕩吹不起。碧雲日暮愁良辰。復彈
瑤島長生曲。彷彿僊人睂覆綠。金箱玉七車續紛。手
翳青鸞駕黃鵠。忽焉三嘆停不彈。起坐攜看湖上山。
政逢花外幾屬玉。遠帶晴嵐飛欲還。君不見西湖山

琴學心齋
高湖水深。鍾期伯牙稱知音。此中真意倘相暱。不妨
再弄無絃琴。

餘溪蔡振業
子緒

后城三山多崔嵬。中有異人負偉材。琴劍相隨歷八
垓。朝遊滄溟夕蓬萊。西陵鬱葱氣佳哉。錦囊筇杖往
復回。和靖孤嶼宣公臺。屐齒幾遍破蒼苔。月下披襟
夏啣杯。湘靈欲鼓獨徘徊。冰絃玉軫指下開。陽春黍
谷動寒灰。秋風鶴唳天邊來。會江綿邈白雲堆。

題蝶菴琴音十六法

幽奇古澹

高潔清虛
中和疾徐

虞山陳

帆

南浦

越山高。穗曉煙直。越水清寒。夜蟾白。湖山煙月。寧有
情。假託心聲。對描畫。莊生扶夢。溯江南。紅葉霜凋。越
王國。酒酣捫歷參斗橫。素綆銀牀坐。蕭索。蜀桐三尺
鳴。紫鸞思飛神。越西冷客。心聲伊何秘。獨操歷塊過
都未曾識。我將抽毫寫此聲。始終條理堪紉繹。水香
初透拂眉稜。旋約踈筠曳長帛。輕鴛瓦鱗鱗積素輕。

麤麤六出寒囊折。鬆後簷冰筴斷空階。西廊竹珮搖

終夕。脆曲磴流泉石髮垂。歌音乍徹春鶯擲。滑想像

孤山鶴守梅。雪骨煙姿舊標格。高九變移宮鄭衛亡。

巢由耳畔何煩滌。滌雁落平沙漠影低。松龕獨坐吟

無數。清雲盡風消水夏平。萬籟空時人脈脈。虛萼漏

沈沈燈穗殘。美人悄悄銀塘隔。幽忽焉迎陵發妙音。

天女萼紛滿牀席。奇有時相逢椎結人。共話桑麻倚

短策。古簞瓢不改子淵心。松筠悠然元亮宅。澹一部

新聲寫韶濩。二南化廣無邪中。春回丹穴奏鸞鶴。

煙煖藍田瑩雙壁。和鍾張筆陣灑霜毫。鬼起鵲落如

砮石。疾亂雲拖雨濕微茫。無數飄英度簾額。徐衆妙

齊臻不可名。聽者會者驚神鬼。世人徒求指上彈宮

徵毫芒。未撥蹟。君心自是含真氣。陶冶乾坤眇無迹。

調高郤比中郎肩。淳化真入師襄室。伏讀心聲卷未

終。生面先從山水闢。莊歟蝶歟僊者歟。瀟湘洞庭天

咫尺。夜深只恐蛟龍舞。曲罷臺前亂峰碧。

鹽官陸嘉淑

木修

去年尋君虎林道。落葉滿堦閒不掃。今年過我鹽官
城。邂逅一笑如生平。臨風握手雅相得。永日琴尊歡
不極。已知戴勃有新聲。真覺阮瞻無忤色。君家年少
覓封侯。壯盛還家蚤倦遊。英雄拂袖學仙術。華陽句
曲空淹留。琴心三疊胎仙舞。桐栢蓬萊隔煙雨。離鴻
別鶴共徘徊。落霞流水爭容與。我亦人間久陸沉。不
堪還聽楚妃吟。待攜阮籍空山嘯。一和孫登鸞鳳音。

海昌陳之問 近思

新桐初引晨露流。萼飛艸長青春幽。空堂晝永寂無
事。嚶嚶鳴鳥聲相求。江南好客寒裳止。自謂平生識
琴理。沉思每欲託高山。雅調依狀裁綠綺。旋宮變律
妙不窮。羊子稽心巧堪擬。自爾遨遊四十年。從軍射
獵歲月遷。飄然歸臥蜀岡道。幽蘭白雪誰能傳。卽今
攜琴過吾邑。一爲泠泠彈止息。三調錄來是異音。雙
璫無慙稱第一。我家斷理時代遙。相傳斷自唐雷霄。

君來一見絕嘆異。更作幾曲聲愈高。孤城近海春潮
上。儻欲移情復何往。百里猶存舊日臺。千年豈絕鍾
期賞。清谿雪跡杳難尋。廣陵濤落故鄉心。知君亦有
三年曲。好譜滄溟沉瀰音。

石樓陳

恭

別謙

廣陵調絕嵇仙去。千古奇人難再遇。世俗徒煩指下
聲。何曾解得絲桐趣。風清月白襟期好。調高莫惜知
音少。和平自在心手間。陶然幾處能忘老。乃知蜨巷

其妙倫。英姿卓爾超風塵。一引遂空天下操。叔夜之
後無餘人。乘閒曾聽梨雲曲。吹起松風寒謾謾。從前
四十悵迷津。耳根洗盡箏篴俗。

濟南劉

良

石叟

知音自古天涯少。和聲翩翩舞禽鳥。禮樂追述三代
前。大雅淪亡亦已邈。可知嵇阮王佐才。登樓不見漢
劉表。閉門兀兀彈猗蘭。虛堂涼月政皎皎。昔日吾友
韓石畊。琴理常論君夏好。鼓檝曾適德操廬。浪叨交

梨分火棗。洗心共歆白沙泉。雍門細把閒庭掃。不知
何以天下士。甘同寂莫商山老。

同里余

懷

潛心

南華老仙吊奇詭。夢中蝴蝶毋乃是。北海雲垂九萬
程。天池水激三千里。昭文鼓琴聲泠然。琴聲三疊舞
胎仙。高山流水發妙指。響泉韻磬揮朱絃。吁嗟莊生
漆園後。翩翩化蝶柳生肘。十齋曾加陸敬游。三絃直
剖張無垢。有時採藥入名山。有時囊琴走人間。跳擲

日月聊復爾。游戲翰墨如_多。我聞琴德出太古。虞
舜彈薰風。仲尼歌虎兕。子春海上移我情。至今傳作
絲桐譜。莊生莊生。吾與爾登高山。臨遠海。一彈再鼓
天門開。綿邈悠颺。訢真宰。須臾化蝶飛過無何有之
鄉。十指葳蕤眼相牟。乾坤誰是知音者。南華老仙原
姓莊。

鹽城宋

曹

射陵

客懷漫漫日月奔。天地茫茫朔雲昏。平明精神忽自

發欲歸未歸戀寺門。日色已盡聞素琴。高張妙指肅
心魂。我心寂寞愛流水。花山亦解臨清源。別君不覺
躊躇久。病裏知音深討論。微雨蒼涼當再鼓。似爲故
人憐舊恩。綿綿不斷淒如訴。寫出胸懷曠達言。引我
幽尋遍山麓。但見秋水千里白。相思一曲令人老。遠
在江南望江北。

聽琴贈莊蝶庵先生

晉江林逢震

青浦

高蓋挿表萃群仙。中有漆園調素弦。跡遊五岳徧知
已。六十肩頰未皤然。蚤歲登壇陳石壺。氣吞雲夢麟
閣客。封侯未遂學種瓜。秦淮烟水堪卜宅。脫却鐵衣
換羽衣。活人丹鼎杏成園。胸羅萬象唾珠玉。十二曲
高譖新徽。惟余總角習猗緱。先生指下驚河漢。一彈
三嘆令心怡。蘭水清音恰相贊。寂寞精神三十年。子

春中散共比肩。卽今

郊廟多遺響。奏此南薰樂鈞天。

仙潭胡啟全

菊谿

蝶菴先生有琴癖。據槁風泉來几席。恍然手作鸞鳳
吟。譜出心聲邁古格。聽君之琴移我情。詠君之操心
更清。中郎中散今爲一。楮間髣髴聞鐸泓。問公妙解
何能爾。公琴與操不在是。曾窺內景返丹元。蕭臺夜
曙粲瓊蘂。灝氣爲徽神作絃。泠泠玉珮崑山巔。撫琴
不覺遙天碧。世上徒傳白鶴篇。

聽琴歌

鹽官陳黃永

叔嗣

輕流映檻雲影長。何人抱琴來池陽。爲我泠泠鼓古
調。但覺鸞吟鶴嘯。丹鶴翔。落日欲落不落微風發。湘
靈帝子何茫茫。豈其楚伯牙。或者魯師襄。客乃攀絃
起一笑。故是吾友秣陵莊。先生恍然中渚彈明光。先
生意氣不可當。少年挽弓五石強。橫戈躍馬鐵裨襠。
功成拂袖歸故鄉。斥揮六合小八荒。赤松子。黃石公。

相與俯仰同徜徉。琴心縹緲寄物外。風雅韻度留宮商。調絲約軫夏作一二曲。幽蘭白雪恐是寫君意中事。栩栩乃作君家漆園之夢。何悠揚。今我神遊崑崙閩風旁。短歌聊爲賦贈章。徘徊吟唱心難忘。

后城王一夔

西泠

吁嗟乎。有熊氏之不作。雲門大瀨聲寂寞。綫綫太古元音存。萬禩之下知皇樂。聖人事業既遠矣。正聲流入漆沮水。漆園道士南華終。青腔生意在絲桐。神暢

物亦適心。瑩指自通。噫噫。鳳鳴春風。調高絃絕。無
與同牙。期下拜碧雲叢。東潁水西崆峒。吾師巢父與
赤松。吁嗟乎。世人空知今有琴。豈知琴瑟天人心。鼓
者有道。神鬼欽。不與流俗競知音。中郎一去此音賸。
蜨菴先生獨益背。山水聲中吾道窮。椅桐梓漆當盡
廢。

東溪張初煒

雲子

鍾期不在世。成連已孤往。惜無園客絲。組此五中賞。

莊生卽莊周之後身。囊攜三尺古龍唇。薦以綠綺徽
鐘玉。梅紋剝落冰魚鱗。走向圯橋開遺履。道傍遇我
淮之濱。是時余年十六七。登堂操縵稱豪逸。感物嘗
憐。幾下桐。乘時却鄙朱門瑟。先彈白雪後幽蘭。絃調
器冷心情一。莊生時時共我遊。丹爐秘室招浮丘。吸
飲靈泉燒大藥。養成玉液邈清修。援我遊春淥水曲。
羽宮猿鶴風颼颼。倏爾云辭別我去。鞭驅去景人難
御。閨室璇宮幾度春。十年喋夢無尋處。蹢躅驚御下

西冷。故人相見。眼俱青。羨。百。姮。丹。顏。不。變。飽。歷。風。塵。
鬢。未。星。余。也。忽。作。江。東。客。走。向。湖。山。吸。寒。碧。莊。生。舸。
翔。蹠。蹠。王。侯。間。肯。能。與。我。共。晨。夕。有。酒。不。飲。索。琴。彈。
逸。轉。流。聲。空。四。壁。再。傳。新。調。本。楞。迦。觸。挽。似。聽。鳩。摩。
譚。張。急。琴。聲。入。調。哀。使。我。一。聞。頻。倡。思。徘徊。颯。如。霜。
林。落。葉。秋。風。來。徐。如。飛。花。春。雨。點。蒼。苔。穆。如。龍。吟。哀。
壑。聲。崩。摧。清。如。瑤。天。笙。奏。響。雲。咳。嚶。若。離。鵑。別。鶴。薄。
層。漢。猛。若。驚。飈。掣。電。走。奔。雷。那。能。對。之。不。令。塵。顏。開。

冰仙廣陵長已矣。古調于今何有哉。琴德在心妙在
手。榮期綺李君知否。子春卽在東海中。我欲招來與
君友。况君本是莊周之後身。不爾亦爲塵世謫。星入
曾入商山採芝草。曾向崑崙騎蒼麟。何不與我避穀
遠去尋黃石。彈琴高臥洞天春。桑田碧海須臾變。胡
爲跼蹐南北走風塵。吁。嗟。胡爲跼蹐南北走風塵。

聽琴詩

五言律詩

光州胡延年

茶恒

良夜來高士。披襟結素心。
移情如在澗。發轡似投林。
明月懷千里。幽蘭抱一琴。
焚香聊靜習。大雅好相尋。

潼川呂

潛

半隱

笑傲滄浪客。居狀瑤島僊。
名從康伯重。曲藉廣陵傳。
酒汎三山桂。花開五岳蓮。
逍遙何所寄。月裏抱琴眠。

桐鄉錢本一 補圖

此夕惟清興。聽琴得舊游。一簾吳苑月。幾闕漢宮秋。
銀燭催花落。朱絃解客愁。不須彈別鶴。猶憶賦登樓。

清溪許景由 耳藻

大雅扶輪久。清商此地傳。冰絃翻故曲。彤管譜新篇。
鶴唳秋風裏。鴻歸夕照邊。篝燈還再鼓。響徹碧雲天。

桐鄉錢夏 大壘

千古知音合。援琴入夜彈。高山孤調遠。秋雨一燈寒。

詩酒情方癖。湖天興未闌。棹烟猶落拓。待子到長安。
吾愛三山客。清流託素琴。江雲留豹隱。風雨起龍吟。
竹實啄還老。蒙莊夢自深。五絃聲正叶。紫闕有知音。

桐鄉錢本寧

雪韓

邗上羅廷章

鏡菴

座列四方士。相逢湖水濱。振衣起玉指。拂袖響龍唇。
水殿娛三絕。銀盤薦八珍。芙蓉香暗襲。况復雨頻新。

武林王 暉 丹麓

手敏清音出。心閒道氣多。自能通著作。正復勝謳歌。
花月風騷寄。江山杖履過。漆園同曠達。好咏考槃阿。

武安高凌雲

君霖
二首

我愛南華叟。三星叶勝遊。高山調白雪。流水寫清秋。
意氣雙龍劍。詞章五鳳樓。聞君廣陵曲。支遁欲相求。
杖策携尊酒。尋幽醉曲江。琴依青雀舫。聲汎綠雕牕。
好月方秋半。戲詩卻一雙。予偏拈險韻。狂態可能降。

五月望後楊執玉太常招集湖舫晚泊第一橋聽

莊蝶菴道翁彈琴分韻

各二首

萊陽宋 琬

荔裳

暑氣晚猶沸一航隨所之流雲侵袂冷清漢逐舟移
橋影明如玦荷筒卷作卮忽聞神化曲幽意滿東陂
入夜清商發罷彈山悄狀繁絃疑鶴唳殘響到鷗邊
高士嘿相對勝遊良足傳吾將理歸艇取次問成連

轅里王士祿

西樵

清游且落日白舫轉徐徐涼吹侵揮麈澄流數戲魚
粘帷時蛺蝶對檻總芙蓉莫悵山煙暝危橋嘯咏初
鳴琴廣陵客絃指向人幽星氣疎仍照湖波澹不流
羽觴隨坐立步履任淹留歸惜潑宵月還明水上樓

沛上朱持正

元定

共鼓乘槎興琴樽晚更携飛觴餞落日命席俯長隄
入夜安絃靜迎颺岸幘低不知身是寄何惜飲如霓
嘯傲托湖濱危橋艸作茵舉杯青眼放操縵白雲伸

野眺心何遠
崑棲任有人
當風箕踞集
東晉與誰人

黃山孫默

無言

訪泊來橋上
登臨十里風
携琴聽野客
把酒醉山翁
寺隱松林暝
波翻荷影紅
湖光幽不盡
極目晚霞空
漸覺山風起
絺衣近夜涼
坐殘堤柳白
醉罷藕花香
琴韻非關指
鐘聲恰到航
南屏餘佛火
昏昏隔林光

錢唐王豸來

古直

日落大隄靜
暗香生亂荷
撫絃發幽籟
流響激清波

城郭千家暝滄浪一艇歌夜深休秉燭皎皎見天河
酒罷坐危石露涼鳴素琴意隨流水遠聲入晚風侵
寂寂萬山影悠悠千載心鍾期今已遠誰更解遺音

松陵葉舒崇

元禮

羣峰積翠微盡日坐相依白舫宜幽渚清樽共落暉
松風遙入座荷露晚侵衣但聽高山操渾忘客未歸
谿橋堪避暑况復理瑤琴聆此聲中趣翛然物外心
潛魚浮密藻飛鳥度疎林泊罷一揮手蒼茫野水深

三山莊瑤鳳蝶庵

倚棹平橋下高歌向晚風羣山空翠積一水淡煙籠
柳色綠堤白荷香隔渚紅知音千載事趺坐問枯桐
衰晚非公等行吟接勝遊琴鳴泉石響地僻主賓幽
逸興看青嶂閒情寄白鷗驚人佳句在下里未能酬
諸同人泛舟之夕雜坐第一橋上煙雲四映風淨
波澄蝶葦援琴再鼓余潑慙其聲出空濶或失則
散且暑濕相侵易成柔靡詎知安絃之餘疏越清

冷鼓者與聽者皆移情物表蓋古人志在山水指
下卽有矻狀若峙沛狀莫禦之致矧真山真水互
相映荅有不迫出凡響哉余言是否試以質之蝶
老

都下楊敬執玉氏謹跋

輞川聽琴

有小序

女師梁氏善鼓琴結庵西湖之輞川別業秣陵
高士莊蝶庵久以琴名世聞師名約同人抱琴
訪之不得見就其庭中桂陰下爲鼓一再行而
太時輕雨初過涼翠撲人聲思徘徊盡縹緲之
致雖乏酬和而流風蘊藉已足得其大概矣同
遊者爲晉江林鐵崖嗣環松陵吳聞瑋鏘吳小
修之紀婁東王端士揆練川李秋孫曄蘭陵董

舜民元愷錢唐王古直豸來共得八人因各賦
詩以紀其事時丙午孟秋十一日也

晉江林嗣環

鐵崖

莊生天下士製曲譜新音逸調誰相賞幽情我獨深
焉知黃鵠志悵作臥龍吟別有無絃趣空山寄素心

婁東王

揆

端士

雙屐循荷渚孤絃響桂陰聽來驚寡和彈出喜無心
可有將歸曲疑爲長欵吟

松陵吳鏘

開璋

輞川叢桂下促坐笑言微
法曲彈將遍孤雲濕不飛
空堂塵漠漠遊子思依依
大雅伊人在徘徊未忍歸

吳江吳之紀

小修

山館尋幽晚攜琴坐桂林
寂寥增客思瀟灑滌塵襟
涼到尊前雨青歸望外岑
曲終何限意愁絕畫樓深

嚠城李王曄

秋孫

高樓何寂歷無語寄焦祠
絕調千山冷柔情十指通

絃中人冉冉聲外客匆匆誰與成連遇傍徨立晚風

毘陵董元愷

舜民

濠梁同逸興摩詰記曾游夜雨絃中起高山指外浮
荷陰疑欲晚桂影忽驚秋可有離鸞曲隨風上玉樓

錢唐王豸來

古直

山館翠陰微青谿白板扉抱琴來曲徑駐屐悵斜暉
自有知音在何愁同調稀蒼涼幽賞絕潑坐欲忘歸

海陽戴奇

冠英

門掩重湖藕葉齊。抱琴誰過斷橋西。扁舟乘興非因
戴絕調。臨風恰似嵇。滿徑桐花孤館閉。半簾雲影數
峰低。迴憶料得多佳事。錯落珠璣。品題

予偶以事
先歸不見

諸公揮

毫時也

物之有情。咸能以聲相吹也。蓋五音六律之作。聲
之所自有。而非聲之所自成耳。莊子蝶菴。脫劍譚
詩。以琴名世。太常執玉楊先生。偕入西冷。嗣因
制府趙公。冲襟下士。重其高風。延居東閣。予久慕未

聆其音。爰與鐵崖端士諸友。訂期一聽。而蝶菴忻
然抱琴出署。同泛舟湖上。時金風漸爽。微雨初收。
暫憩於朝川叢桂之下。初鼓羽化登僊。恍若神遊
八表。繼彈龍鴻一曲。而絃中叫月驚霜。泠泠風起。
四座傾聽。爲之分韻酬和。各盡繾綣之懷。夫聲音
之道。微而莫得。蝶菴非胸有造化。安能衆聲彙集
於琴。而以心傳之者耶。遂述其事。以誌勝遊云。

吳之紀謹跋

楚北

吳之

矣興廢我斯

存卷

落落乾坤內。君家有漆園。素琴彈太古。秋水靜忘言。
採藥雲生屐。被襟月在軒。却憐車馬客。何處問成連。

鹽官沈 珩

昭子

未聽松風調。先披鸞鶴吟。新聲歸大雅。舊譜失流淫。
細帙盈題翰。焦桐孰賞音。匣中流水在。能爲灑塵襟。

鹽官楊德建

魯三

高懷存大雅。妙響徹清塵。道合雲爲友。琴隨客不貧。

一彈靄鳥舞。再奏醴泉生。廣此南華意。悠然秋水鄰。

海昌楊宮建

漢章

春雨自蕭森。幽懷託素琴。聲希留古調。韻遠發龍吟。
如得師襄意。還同叔夜心。廣陵應未絕。傾蓋有知音。

清溪沈維垣

公伊

瀟灑長爲客。琴尊狎野鷗。忘形天地外。快意竹林遊。
大雅追前哲。清風堪與儔。絃鳴泉石響。幽興滿滄洲。

驚水杜

臻

華餘

琴學何人善。漆園推老莊。高山揮指掌。流水應宮商。
別鶴聞聲唳。求鳳伴曲翔。願將薰阜調。再鼓獻

君王。

三山官于宣

雲淵

蜨菴聞道者。指下出元音。冉冉七絃動。泠泠萬壑深。
鳳唵桐葉老。鴻送桂叢陰。端有成連在。應能鼓棹尋。

西陵王夢吉

齡長

抱膝吟秋水。橫經譜葛天。有菴皆习蜨。無地不鳴泉。

恒德常流世。觀頤奚論年。猶君懷所指。理國亦如絃。

石城嵇

俱

仲舉

一徑入幽林。高人此鼓琴。亂山沉逸響。流水識清心。
石落媯天老。雲來佛地陰。吾家廣陵散。應不絕于今。

西泠嚴會渠

方貽

知君天下士。棲遯向巖林。大藥還丹術。清琴太古音。
廣陵傳絕調。王屋嗣瑤簪。惜別分南北。相期論素心。

集唐

廣平宋寶穎 既庭

莫話彈冠事。草堂惟素琴。雲烟橫極浦。松竹雜成林。
夜靜溪聲近。山空月色深。能投大雅句。誰不望知音。

顧況 張籍 劉商 姚合

嚴維 駱賓王 裴悅 黃滔

方外散幽襟。愚公晦迹深。白雲常在眼。蓬草自知心。
笑出花間語。人彈竹裏琴。相逢且對酒。惟恐日西沉。

唐元宗 錢起 張謂 皇甫冉

李白 李端 韋應物 劉仁

青軒秘晚霞。湖上寄生涯。野奏風成曲。山春雪作花。

忽逢青鳥使，得遇葛洪家。仙侶投雲集，銀壺酒未賒。

李

白

劉

長卿

姚

崇

鄭

情

孟

浩然

盧

倫

錢

起

杜

甫

且莫嘆飄蓬，驅車還向東。亂雲收暮雨，斜日起微風。妙曲逢盧女，清樽別孔融。丈夫皆有志，看取寶刀雄。

皇甫

冉

孟

浩然

戴

叔倫

楊

炯

皎

然

張

子容

盧

昭鄰

高

適

武夷謝

旭

叔旦

歌咏誦絲桐，恒常置匣中。崇情符遠跡，長嘆激清風。白日傳心淨，金門待制同。陽春無和者，還復沈塵蒙。

王昌齡

庾信

王僧達

左思

茶母潛

張九齡

張協

徐伯陽

泠泠七絃遍。華館寄流波。吏體莊生傲。長門舞蝶多。

墅禽喧曙色。晚氣歇林阿。穆穆神儀靜。因風想玉珂。

常建

劉禎

劉長卿

令狐楚

蕭繇

鮑昭

謝朓

杜甫

壯遊臨四海。聲滿栢臺中。閭闔連雲起。琴樽此日同。

驂騑開道路。花綬接鷓鴣。莫笑馮唐老。悠然意不窮。

曹植

張九齡

沈佺期

楊炯

祖詠

何遜

姚合

高適

能含古人曲。超世發奇聲。清唳因風起。寒蟬在樹鳴。

漏長丹鳳闕。波撼岳陽城。老得滄洲趣。餘春憶帝京。

岑參

阮籍

張仲素

王粲

李嘉祐

孟浩然

劉長卿

王維

故鄉杳無際。幽獨賴鳴琴。託好憑三益。含和總八音。

江山留勝跡。雲雨見靈心。喜得廟廊舉。何須就竹林。

陳子昂

謝靈運

盧諶

支遁

孟浩然

張九齡

劉長卿

庾信

帝城猶隱約。絃酒共棲尋。卽是義皇化。安知天地心。

青山橫北廓。綠水激清音。愧乏天庭藻。雄飛在禁林。

何遜

謝莊

謝靈運

張巡

李自

楊素

庾信

張九齡

集杜

聚平柯永新

烜卷

大雅何寥闊。如公復幾人。激揚音韻微。清切露華新。
花動朱樓雪。行歌泗水春。美名人不及。只取性情真。

其二

海內知名士。相留可判年。雪巖纔變石。森木亂鳴蟬。
澗水空山道。雲門吼瀑泉。佳聲斯更遠。華屋艷神仙。

其三

論交翻恨晚。今日醉絃歌。落景開寒杵。因風想玉珂。

試迴滄海棹。遠逗錦江波。靜者心多妙。吟詩許更過。
其四

文物多師古。詩家秀句傳。北風黃葉下。三峽暮帆前。
漠漲鯨波動。江鳴夜雨懸。眼前今古意。自有一山川。
其五

清琴將暇日。神妙獨難忘。江漢春風起。山林引興長。
蕭疎送日月。如絕動宮牆。去遠留詩別。含情空激揚。
其六

稠疊多幽事。新詩近玉琴。落霞沉綠綺。輕色變層陰。
天際傷愁別。江樓延賞心。風烟巫峽遠。留眼共登臨。

集古

玉融李春先
晦人

壯遊臨四海。聲滿栢堂中。閭闔連雲起。琴樽此日同。
驛驕開道路。花綬接鵷鴻。莫笑馮唐老。悠然意不窮。

曹

植

沈佺期

杜

甫

姚

合

張九齡

楊

炯

何

遜

高

適

能含古人曲。超世發奇聲。清唳因風起。寒蟬在樹鳴。
漏長丹鳳闕。波撼岳陽城。老得滄洲趣。餘春憶

帝京。

岑

參

張仲素

素

李嘉祐

劉長卿

籍

王

案

孟浩然

王

維

七言律詩

秦淮朱應昇

九升

東海聲希直至今。莊生夢後見文潏。江流徐逝聞清響。宮角諧鳴識切音。譜衍唐人無字意。琴傳晉士沒絃心。我從炎夏遊虞世。慍解風來雨復侵。

丹山錢捷

陶雲

霜風不惜暮天寒。緩聽新桐夜未闌。語動詩成添酒勢。曲終江上倚雲看。客牕自共還多話。流水於今幾

再彈莫許已人驚。白雲由來白雲和皆難。

蓀水姚際恒

友潛

寺門黃葉晚秋天。坐對枯桐寂寞禪。謾謾古松翻響雪。涓涓幽澗達鳴泉。彈於指上原非指。聽在絃中不謂絃。餘我中朝牕下醉。刺舡何處問成連。

西泠何之杰

伯興

天涯寄跡歛華簪。且泛扁舟入武林。明月清風叔夜調。高山流水伯牙音。東華舊屐乘秋爽。南國新聲起

暮陰有意濟時同。郭玉故憑心事付瑤琴。

濟水周邦臺

紫來

塵響紛紛深復深。新聲何處送幽沉。春冰飛溜泉千道。老檜懸濤月一林。雲鵠神遊忘運腕。澤羊魄濯戢狂心。安能跳入無聲裏。自理宮商不用琴。

西陵徐士俊

野翁

指上從君聽自餘。新聲譜出興無涯。人心早識和平妙。友道還尋山水嘉。栩栩夢魂翩欲舞。勞勞塵俗漫

琴學心聲

卷

七言

上

集賢堂

相加抱來常得琅。狀趣何處花殘月影斜。

楚黃韋克振

子寅

古道今人棄如土。雅風誰復重如山。聞君郢曲知音少。不是陽春屬和難。下里傾尊應易徹。小巫見大遜殊班。十年感額焚琴想。聽到希聲欲解顏。

海昌陳之伸

魯直

江介晴雲傍水軒。何人繫馬扣衡門。坐來忽聽鈞天奏。相對還傾鑒落尊。南國風流應自遠。西園賓客雅

猶存。遲君莫鼓思歸引。古調新聲好細論。

西陵李標

育九

輕舟薄暮泛西湖。四望悠悠萬籟無。不惜芳樽留夜月。且將玉軫對冰壺。清風指下神皆寂。流水聲中聽不孤。中散廣陵今絕調。應憐蒙叟與重扶。

游昌楊中訥

崑木

薰風入座足移情。海上成連韻轉清。指下幽波迎月冷。弦中巫峽帶雲平。翻來新操皆如古。撥盡虛空別

有聲趙瑟秦箏滿人耳。冷冷高調復誰賡。

金臺范坤元 憲公

錦囊攜處漫披襟。秋水伊人空谷音。三疊無僊驚鶴
夢。一揮匝地繞龍吟。朱絃逸響原非舊。玉軫清桐豈
似今。魚樂亦能閒出聽。忘機何地不同心。

古蓼徐致覺 莘叟

遨遊是處可爲仙。指下分明似草元。一卷方書懸肘
後。半天風雨落筵前。浮生有意歸蝴蝶。滄海閒情託

杜鵑料得知音惟靖節。至今按譜不需絃。

錫山諸保有

六在

同遊能令水山淡。此日逢君理素琴。阮籍閱人聊白眼。莊周齊物似愚心。滄緣久自超窮達。高論還期破古今。幾夜月明清調發。太初擬向指中尋。

西湖吳山濤

岱山觀

樓船江表當季事。投閒賣劍脫榮衣。大藥神仙埋姓氏。希聲古調散風徽。山林難掩英雄色。談笑終藏氣

概違似我遇君羞着眼。高山流水是耶非。

甬東王嗣臯

德邁

湖上欣逢林下遊。石欄桐葉賦登樓。遊鵬翔鳳金徽靜。碧巘紅泉玉指浮。六一自消幽隱疾。柴桑謾寄醉眠留。秋齋頻夢華胥後。清籟徐同白露流。

三山陳世任

天鏡

未遑北闕朝天去。翻到西湖遶地遊。山色空濛蒼欲滴。琴聲澹蕩雨初收。天涯知己誰青眼。江上逢人感

素秋遙憶故園黃菊發。持螯把酒思悠悠。

江湄俞兆吉 校習

先生雅振舊詞壇。一曲陽春和者難。獨理冰絃雲外寄。自調新譜雪中看。盈盈秋水流餘韻。謾謾松濤落暮寒。坐挹清樽解古意。碧梧陰裏珮聲珊。

潞水王 典 古修

虛堂開匣振林泉。天地吾廬一簡編。山徑松風翻故曲。溪簟月影照新絃。冰心流出涓涓韻。珊骨移來冉冉

再僊自有鍾期逢宇內。何妨雲笈國門懸。

鍾山徐啟業 可大

盤錯紛紜不自禁。官厨退食日初沉。幸來爽氣消煩暑。忽遞蕭疎響遠音。翻止若看雲水際。哀鳴如亂澤波深。願將絃指安和意。頓使歸飛集富潯。

石城王 鳳韶 詔

羲皇古道寄金徽。欣有奇文剖玉微。月下開襟聯客詠。花間橫膝帶香揮。清隨一鴻爲良友。雄倚雙龍欲

怒飛誰識逍遙千萬里。不須彈指日知歸。

茗溪周時發

學濂

湖堤浮翠奏清音。謾謾風微韻入琴。西子眉顰含岫
淺。嵇生手語洽松深。月明鶴舞渾忘別。波動魚遊致
欲沉。靜對寒光秋更爽。水仙何自廣陵尋。

仁和蔣漢紀

波澄

古樂飄零漸已離。正聲君與古人期。元音豈僅桐中
韻。大雅非關絃上絲。自有幽懷怡獨寤。那堪清調寄

琴學心聲
相思只今嘯傲西湖畔。流水高山興倍之。

西陵曹有光
子夜

幽懷常動聖賢心。匣裏囊餘有素琴。終日徘徊悲古道。今朝清賞頌新音。舊能不泯千秋秘。夙世如曾一顧今。流水高山君問切。子期猶感荷情深。

錢塘汪
濂
紫瀾

老手新裁振古交。風流文采靜琴調。先知獨領清音切。後覺重開雅韻凋。譜出一天諸僻蘊。心徵三昧啟

沉澆欲邀湖上峰頭月。共照冰絃細細描。

秣陵戴 閑

家伯

莊周栩栩風欽賢。一對南華意惘然。春好林間烘杏
蕊。秋清石畔冷桐絃。投鞭懶望關山月。泛艇幽尋湖
水烟。野况俗情消欲盡。蒹葭白露許畱連。

莆田莊 雲

獨任

霜筇踏葉上高樓。語歇聞琴天際幽。城隔晴如江樹
晚。堤連月類漢宮秋。暗襦疎雨盈焦尾。小剔寒鐘喚

白頭誰謂子期難更見。知君一曲擅神州。

武林孫之鏞

鎮浮

先生聲譽遍天涯。官跡翛然鬢未華。鄴架有書翻藥譜。琴河流水落梅花。相逢岐跡憐同調。恨別他鄉望赤霞。異日重尋更何處。白門烟水憶君家。

茗上沈

璉藕菴

田田十里湖低光。著水香來拂座涼。九辯雄詞惟有宋。南華嘯傲直逢莊。新聲初動山容肅。古調重賡蜨

夢忘。莫抱子期千古恨。天涯到處有宮商。

西陵陸進

畫思

負郭芳菲映小堂。滿簾風日淨琴張。餐霞每泛雲璈曲。辟穀時攜白石糧。絕調不須推叔夜。知音何處有中郎。君名已著金徽久。三疊梅花鸞鶴翔。

清溪蔡啓傳

雪菴

檢點蒙莊手一編。披襟因復憶鳴泉。風高白雪詩盈帙。調叶清商月倚簾。漫許中郎諸好韻。喜聆叔夜理

冰絃于今傾耳和平後夢接三山意欲仙。

清溪蔡啓儒 又寄

江左知名四十年。靈心慧骨姓爭傳。鹿門自愛龐居士。邦水人呼葛稚川。花鳥句中存笑傲。宮商調裏自悠然。廣陵散失誰能續。猶美心聲落九天。

陸陽

在茲

龍門客至正相思。又惜風烟黯路岐。操動倚蘭出幽谷。林檎黃纈就仁時。塙荒終古還須悔。梁月于今可

不疑。此際興酣。瀟宇內。蓬萊咫尺在支願。
曾向姑蘇訪大名。遇君何意入桐城。未通半刺琴爲
箴。細結冰心月共明。空谷遠分流水趣。畫樓靜叶彩
鸞聲。蒼茫何處尋蓬島。始解先生移我情。

輸山許崖光

同調翩翩駐遠旌。中郎風雅是天卿。應教野鶴飛還
舞。且看遊魚聽不驚。吟就松風迎雪冷。賡成蘭語入
秋清。詩餘隨處傳新譜。領畧歸來趣轉生。

東籬馮

羽

漢尹

世人之琴琴在指。有時指歇琴聲死。蜨菴之琴琴在心。未彈聲已盈我耳。溪邊澆澆流水鳴。空山謾謾松風起。釣天一曲移我情。置身宛在雲霞裏。

槎江吳

琦

燦生

漆園丰致自翩翩。栩栩蘧蘧意欲仙。清韻絕倫循太古。逸情獨蘊避塵緣。吳宮爭重鴻儒席。楚國曾分大將權。好我芙蓉江上客。乘槎同泛六橋烟。

刊水吳璉似卷

百年歲序半浮沉。誰向天涯接素心。閉戶有懷長作賦。埋名無術偶攜琴。壺中九轉丹方熟。江上孤行春正深。聞道西湖還駐足。斷橋明月喜知音。

其二

小麥青青大麥黃。城南山色繞人腸。攜尊對客成佳會。策蹇看花任夕陽。幾句離愁憑芍藥。十年生事付滄浪。冰絃何意聞天籟。引得薰風到草堂。

聽梧葉舞秋風曲

武夷謝旭

叔旦

牕前幽爽逼人清。數尺孤桐似再生。響徹南宮金井
近。影搖承露玉階清。珪逢此日言方戲。詩向流泉意
可成。夜讀歐陽能作賦。千年應附一琴聲。

維揚沈自玉

晉生

彈琴數載愧無知。日坐蓬牕苦費思。月下自憐鍾不
遇。夢中猶憶蝶相期。靜宜修竹留風雅。清徹鈞天逸
韻奇。莫道斷絃那可續。功成今已見吾師。

戊申孟冬諸同人招飲富春無礙山臺卽事

余浪跡兩湖。忽經二載。偶過春江。得交諫議諸子。
攜尊抱琴。遊于無礙山臺。坐竹林。酣飲狂呼。譙歎
累日。余撫琴動操。諸子以歌而和之。無奈斜暉迫
我。冷月依人。漁燈唱晚。雁陣驚寒。時與諸子長嘯
言歸。念佳會之難期。感萍踪之易散。敲句未終。陽
春頻和。庶足效蘭亭之修禊。倣竹院之風流。云爾。

西泠孫師夷

謙儀

山青水白夾平沙。驟起天邊旅雁斜。白社還容處士
隱。東林端愛遠公茶。高峰幾樹餘殘日。雅調千聲送
落霞。最恨江門留不住。荒荒漁火促歸家。

慈水馮

垓

字眉

遙看飛雁落平沙。兩岼烟嵐映日斜。逸士林間頻對
酒。老僧石上慢烹茶。峰迴倦鳥穿紅葉。浪湧歸舟拂
紫霞。幾度秋高歌色晚。牧樵處處入山家。

西陵童世達

天範

平江落日遠長沙。笑裏清樽竹影斜。與盡還歌白紵曲。醉來頻啜玉川茶。空天碧色連寒水。歸雁橫飛送落霞。爲謝遠公應記取。他年遙憶散誰家。

西陵孫

濤

晉殿

寒風凜冽走平沙。吹逐鶉衣帶月斜。有客願交如對醴。無童應戶慢催茶。詩成逸韻空天籟。興到狂歌落浦霞。何事孤居悲索莫。不偕同調入僧家。

三山莊臻鳳

楚菴

春江一水入天涯。雙嶺雲封鳥道斜。覓友尋真長作客。呼童掃葉慢煎茶。叅峰古木多留月。隔岸平沙戀落霞。醉罷不知歸路晚。光分藜火接村家。

天都程 涑

元魯

古刹幽然隱澗阿。風敲亂竹鳥啼過。曲終韻入空山遠。琴罷聲從落日和。漁艇臨江留客飲。城霞擁樹促樵歌。酣餘却羨奚童釣。目送歸鴻嘆若何。

湖湖傳治平

以弓

邂逅談。驚入澗阿。梵宮塵遠共欣過。舉杯問月心先
醉。操曲臨風興自和。唳鶴恐驚莊子夢。潛蛟靜聽雪
兒歌。漁燈點點催行客。回首春江奈夜何。

富春高思居

齊望

追隨杖履入山阿。竹院開樽共嘯過。風引月來窺色
相。烟冲鶴去避雲窩。時逢逸士調琴曲。豈乏騷人和
郢歌。勸竿幾忘天欲晚。直教仰企客星多。

東安梁天植

培生



誰將蘭若築巖阿。萍集伊人載酒過。旅雁連沙排陣
冷。天香入座引風和。琴中奏曲來松韻。竹裏行厨弄
鳥歌。日紫晚山遊未倦。臺空客去奈予何。

三山莊臻鳳

蝶菴

同心拂塵問山阿。仙梵無塵鳥自過。破浪魚鱗吞塔
影。啣芝鹿倦枕雲窩。臺空籟寂琴生韻。水際風輕櫓
送歌。把酒狂呼留曉照。情深不覺夜如何。

西湖觀劇文 季葦

每聞說劍四筵驚。更喜揮絃萬壑清。身寄風塵心自
遠。氣凌湖海客常傾。讀書鎮日窺青簡。採藥何年住
赤城。羨爾飛鴻天宇廓。不煩楚使賁弓旌。

肥水李天發 湘伯

淡蕩湖光接遠天。廣陵濤白對寒烟。火飛丹灶知偏
好。月滿瑤琴夜不眠。仙杏常沾山雨色。酒樽多到竹
林邊。曲高莫恨無知己。已就莊生秋水篇。

楚人車萬育 與三

雪後酡顏頗奈寒。幽尋如在灞橋鞍。樽前香散朝霞影。座裏人從鶴頂看。曲奏心聲傳綠綺。歌成諧謔憂琅玕。莫愁春暈無知己。風雅相將到雉壇。

陽羨徐階鳳 竹逸

南斗心儀夢蝶莊。相逢湖舫意飛揚。口中玉屑傾高座。指下水絲轉素商。宦歷兩朝存劔履。客遊五岳笑滄桑。奚囊更有長生訣。分我幾丸試一嘗。

吳門袁子令令昭

意來疎影月初起。爐鼻微煙香未灰。靜夜撫琴發妙音。至人冥心拊妙理。山也水也默會之。絃也指也渾化矣。文章事業寄閒娛。世上伊誰是鍾子。

黃山吳山季石

成連去後海茫茫。不意移情動客商。古澗梓聲當戶牖。高山桐語出虞唐。翩翩遊思猶非蝶。栩栩行藏亦是莊。仕蹟十年流水外。花間一曲勝中郎。

吳門徐 增 天庵

韜得龍韜與豹韜。湖山隨處掛詩瓢。素侯舊向青門
隱。晉令閒從白社招。憐我病軀來越國。感君道誼薄
煙霄。錢塘江上西風疾。有日馳驅看射鵰。

山陽張養重 虞山

一別莊生十幾年。身隨蝴蝶夢常牽。閒情自向花間
語。高調心聲紙上傳。浩淼江湖知己在。逍遙山水客
心懸。相逢細數從前事。頭白衫青意惘然。

五言排律

漢南毛廣南

南薰

碌碌嗟蟠木。勞勞嘆促襟。空存宓子意。誰識伯牙心。
偶客來江左。攜琴到武林。陽春生座右。流水奏庭陰。
蕩滌煩苛俗。雍容解阜音。洋洋還謾謾。喁喁復森森。
閨苑神先往。水壺魄已浸。從茲悟治化。端可對君臨。

武林徐士俊

原名鯉

聽盡繁絃曲。何如大雅音。茂陵存綠綺。客舍伴清砧。

自作心聲調。能招豪士吟。蝶飛方栩栩。魚躍出涔涔。
蕉葉憐金盞。梅花煖鐵衾。囊多風雨集。髮免雪霜侵。
靜夜翻書冊。長途卻劍鐔。訪余來北墅。絕勝泛山陰。

七言排律

秋浦劉漢系 王系

托跡龍吟姓字傳。實音歷歷動諸賢。秦淮卜築猶爲客。楚澤論功憶往年。無價刀圭思濟世。還丹艸創亦飛仙。太平指上歌王化。逸響心生徹帝軒。氣合陰陽圖律呂。操因緩急譜徽絃。焦桐誰見曾鳴匣。銀甲君應再湧泉。不解敢夸元亮是。能聽願學子期先。手揮已定三分準。曲奏新刊十二篇。彷彿南風宗大舜。依

稀東海遇成連。相逢莫待披襟弄。便覺移情在耳邊。

聽琴詩

五言絕句

其一

武源談一第

捷知

爽氣自天來。著書客未回。廣陵千古調。譜就白雲開。

其二

青霄秋月淡。子夜觴非濫。曲奏自移情。燭光星未暗。

秋浦曹光國

尚賓

獨坐逢明月。臨牕理素琴。鍾期不可遇。誰復是知音。

奉贈蝶菴琴音十六法

蝶菴琴音指法之妙誠橫絕古今。余生晚不及聆牙
曠音。未知當日亦有斯妙否。今蝶菴有自訂十六則。
余一一寄之歌咏。雖不能如韓昌黎之聽穎師。孟浩
然之贈鄭五。妙極形似。然而假物喻情。庶使聽者得
其梗槩云爾。

輕

聲何名爲輕。秋水澄盈盈。孤舟漾前浦。柔櫓半江聲。

鬆

聲何名爲鬆。石漾神奪容。風送孤山磬。潮來夜半鐘。

脆

聲何名爲脆。仙璫逗雲際。春樹度流鶯。野塘鳴翡翠。

滑

聲何名爲滑。機杼弄軋軋。短棹破琉璃。水靜一痕發。

高

聲何名爲高。萬壑瀉銀濤。能使幽憤懣。又令壯士豪。

絜

聲何名爲絜。如與高僧說。舌上生蓮花。蒲懷貯冰雪。

清

聲何名爲清。金井下銀瓶。梧桐垂曉露。相和入青冥。

虛

聲何名爲虛。高天雲捲舒。風吹度江去。山翠入簾初。

幽

聲何名爲幽。深山玉澗流。誰人怨遙夜。飛夢繞涼州。

奇

聲何名爲奇。石破天驚時。一半裂滄海。一半麗瑤池。

古

聲何名爲古。濃纖不足數。試與靜者聽。如其義皇語。

澹

聲何名爲澹。洗盡浮華艷。孤士咏山中。天根落霞歛。

中

聲何名爲中。白日懸晴空。天子坐明堂。列辟森雍雍。

和

聲何名爲和。悠然丹鳳過。雖奏協良時。飄風自卷阿。
疾

聲何名爲疾。萬騎蹴冰裂。猛士赴交河。大旗捲朔雪。
徐

聲何名爲徐。玉步跚瑤池。緩水浮花片。輕陰盪綺疏。
甬水弟錢肅圖退山草



六言絕句

聽瀟湘水雲

淮陰

張養重虞山黃之翰大宗

樓上霜梧葉隕

虞山

池邊風竹聲寒

大宗

閉戶客彈

古調

虞山

揮絃志在高山

大宗

人與閒雲俱淡

大宗

心隨野鶴皆空

虞山

江南江北

秋思

大宗

湘浦湘江夜風

虞山

七言絕句

宣城唐允甲

祖命

急鼓繁絃滿帝城。誰能清冷坐無情。
先生一曲梅花弄。流水高山指上生。

千金一擲未爲貧。不是杯囊水畔人。
走馬看花西入洛。青絲細管雜留賓。

江潛俞

衍

子蕃

瑞露香盈寶甕中。雍狀如見

上皇風。衢歌未盡。諧鍾呂。更借虞絃譜化工。聽太平奏曲

西泠諸九鼎駿男

梨花半對濕春雲。門掩蒼苔碧艸紛。彈到夜深幽怨

甚。一聲啼鳥倩誰聞。聽梨雲春思曲

白玉笙吹天際聞。碧霄春動花紛紛。瑤琴彈就欲誰

寄。自言祇有雲中君。聽雲中笙鶴曲

當年大禹鑿龍門。淮水安流碣石尊。何事冰絃清夜

裏。魚龍噴浪出桐孫。聽禹鑿龍門曲

簪冠艸履任空山。翠栢青桐日閉關。黃鶴飛來山色晚。泠泠金磬水潺潺。聽空山磬曲

祖山通濟默爲

月映琅玕曲徑明。呼童煮茗聽秋聲。空齋幾闕南薰奏。修竹留風指下生。聽修竹留風曲

梵王宮裏釋談章。傳到琴心暗自商。漫拂朱絃彈夜月。聲聲密意代宣揚。聽釋談章琴曲

鹽官范驤文白

琴學心聲



七言絕句

卷之二十一

高堂素袖拂秋煙。一座箏箏聲悄。萬斛流泉七條
線。底事陶公不放絃。

燕都郝浴雪海

紛落芙蓉月色分。木犀花底再逢君。遠籊欲破漆園
夢。天籟天香遮莫聞。

錢塘羅辰集功

琴裏曾傳莊暗香。不圖今日更逢君。琪花瑤艸咸招
蝶。始信才人勝女郎。

淮陰客署聽

三山蝶菴道長彈琴留連月餘感深知已愧乏瓊
報茲當南歸聊集古三十首以誌別懷亦竊附贈
人以言之義不識以爲然否

萬里無雲月正中芙蓉簾幙扇秋風逍遙自有蒙莊

子琴奏龍門之綠桐

戎昱談川之
趙彥昭李自

雲和草靜迥無塵俱自先生拂拭新蜀國絃中雙鳳

語還將綺席發陽春

宋 邑 白居易
李 賀 沈佺期

琴心清夜遠相聞幾度高吟寄水流元氣茫茫叔不

得孤雲獨鶴共悠悠

姚合 諫用之
李長吉 韓愈

石鯨鱗甲動秋風往事應須問寒鴻牕下斷琴曉殿

足巫雲楚雨遙相通

杜甫 羅隱
陳上美 李賀

高絃一弄武陵深理到忘機近佛心身世茫茫難自

料風生萬壑振空林

胡宿 司空圖
韋應物 李太白

花宮仙梵遠微微點水蜻蜓款款飛白石神仙鴨戲

曲頻令心地欲歸依

李頎 杜甫
施參 李益

汀洲雲樹共茫茫白雪一聲春思長淮水東邊舊時

月夜關更請彈文王

李益許渾
劉禹錫
崔軾

看取人間萬事空十年書劍任飄蓬莊生曉夢迷蝴蝶

蝶且喜琴尊數日同

釋皎然許渾
李商隱
韋莊

風雨時時龍一吟茫茫煙靄堆湖心彈絃寫恨意無

盡流水聞聲覺淺深

杜甫張碧
李白
張翥

秋水芙蓉玉一枝白雲何處更相期越王夜起遊天

姥故國平居有所思

常沖李益
李賀
杜甫

清如水玉重如山
高敞吟軒近釣灣
經雨不隨山鳥

散暗將心地出人間

杜甫
李昭象
羅隱
白居易

巨石崩崖指下生
離鵑別鶴更淒清
中天夜久高明

月吾欲蓬萊頂上行

李季蘭
司馬逸
李賀
李白

江渚翩翩落斷鴻
秋雲無迹澹平空
還將石溜調琴

曲落木寒泉聽不窮

羅虬
王初
李嶠
郎士元

白鶴還鄉楚水深
幾多離思入瑤琴
幽音變調忽飄

灑落日斷霞無古今

許渾
劉滄
李頎
張文潛

山川滿目淚沾衣惆悵當年意重違湘女怨絃愁不

禁清秋燕子故飛飛

李嶠 羅邕 王初 杜甫

須知莊叟問犧牛別有僊人洞壑幽不覺繁絃論遠

意白雲猶似漢時秋

羅隱 宋之問 司馬逸 岑參

鶴拂煙霄老慣飛只應知我已忘機分明曲裏愁雲

雨黃葉落時聞搗衣

楊巨源 蘇端 白居易 朱長文

天地遠濶隨飛揚不知何處是他鄉江空月出人響

絕為鼓瑤琴彈鳳凰

韓愈 李白 蘇軾 李益

初彈淒水復湘妃曾向長生說息機世事已隨流水

去谷雲溪鳥尚相依

羅虬 李白
朱夢餘 常莊

阿閣新巢有鳳凰數般浮脆如笙簧此情不向俗人

說風瑟瑟兮野蒼蒼

雅琥 蘇軾
宋之問 盧照鄰

平沙落日大荒西山靄蒼蒼望轉迷琴裏若能知賀

若蘆花寒渡思淒淒

杜甫 韓翃
杜蘆 劉滄

溪女洗花染白雲落花飛絮正紛紛此心問君君應

識樹蘼浮香鶴共閒

李賀 陳上美
王維 陸龜蒙

月落空庭影半欹碧梧棲老鳳凰枝誰能一奏和天

地說與傍人未必知

黃庭堅
司馬逸

杜市
戴石屏

舊事無人可共論嶧陽老樹非桐孫千年寥落獨琴

在莊叟依然隱漆園

韓愈
蘇軾

李賀
牛燾

回首秦淮一黯然琴聲蕭瑟逗情緣清音雅調感君

子淮海長波遠接天

李嶠
司馬逸

李益
駱賓王

中散林間有正聲此時秋月可憐明飛泉走浪絃中

起道是無情還有情

司馬逸
李季蘭

孟雲卿
劉禹錫

青山無限水漫漫客路虛彈貢禹冠黃鶴瑤琴將別

去商音淒楚入雲端

劉長卿 薛逢
劉方平 劉商

一生襟抱未嘗開三楚空山有鴈迴昨夜琴聲奏悲

調不勝清怨却飛來

崔珣 許渾
駱賓王 錢起

別腸三夜繞朱絃欲拂金徽思茫然一撫一弄懷知

已楚江橫在草堂前

燕軾 黃清
司馬逸 趙嘏

我心河海白雲垂天漢冥冥問阿誰請奏鳴琴廣陵

客留人不任颺絲絲

朱之問 李端
李頎 嚴維

敬亭山樵貢璩具艸

天下誰人不識君琴聲夜靜正堪聞蓬萊闕下還相

憶半入江風半入雲

高適王駕
宋之問杜甫

月光如水水連天杳杳疑聞弄七絃幾度高吟寄流

水客心何處轉淒然

趙嘏吳融
譚用之高適

秋池雲下白蓮香彈罷絲桐海樹蒼耿耿銀河橫一

鴈故人何處憶山陽

王維王建
李紳司空曙

遙想風流第一人分明不染玉梯塵
琴聲緩度樓頭

月疑是張徽一曲新

王維王初
司空圖張祐

今夜西齋風月好却疑身在廣寒宮誰能一奏和天

地木落寒泉聽不窮

元稹司馬相如
司馬逸郎士元

高絃一弄旅懷生却惹秋蛩四壁鳴鄉國不知何處

是杜鵑枝上月三更

獨狐及羅隱
張祐李逸

洞庭西望楚江分秋夜沉沉此送君流水高山彈不

盡人間能得幾回聞

李白皇甫冉
錢起杜甫

萬里歸心對月明千家砧杵動秋聲灝氣夜半燈花

落願入簫韶雜鳳笙

盧 岑 名 杜 甫 卷 心 元 稹

碧牕斜月諳深暉羽客聲歌此地違應有仙人倚樹

聽黃花戍上鴈爭飛

張 仲 素 宋 之 問 蘓 軾 王 烈

河漢三更看斗牛孤飛一雁塞雲秋幽音雅調忽飄

灑高閣朱闌不厭遊

崔 顥 李 白 李 順 李 嘉 祐

獨憐幽草澗邊生月上梧桐雨露清隨分獨眠秋殿

裡調絃拂匣倍含情

常 應 物 張 說 李 端 司 馬 逸

月過秋枝似帶煙清音堂上及溪泉彈琴本自稱仁

祖知是羅浮第幾天

今狐楚 蘇軾
司馬遼 曹松

片雲何意傍琴臺他席他鄉送客杯取醉不辭留月

夜明朝有意抱琴來

杜甫 王勃
李牧 李白

相思迢遞隔重城况復空山秋月明最愛晚亭逸調

好離鵑別鶴更淒清

李商隱 司馬遼
白樂天 楊師道

客路秋風又幾年琴聲蕭瑟逗情緣平生不識宮與

角獨上江樓思渺然

張翥 李益
趙嘏

露下天高秋氣清微風

裡一枝輕芙蓉帳小雲屏

暗中散林間有正聲

杜 甫 一常 建
劉長卿 司馬彪

北雁歸飛入杳冥一方明月可中庭疎松影落空壇

靜何不于君指上聽

賈 至 劉禹錫
韓 翃 蘇 軾

月明南內更無人傳得仙音到客新借問落梅幾片

曲風吹散作萬家春

張 祜 沈佺期
高 適 白居易

梁園秋竹古時煙凝碧池頭奏管絃此曲祇應天上

有山青青今水潺潺

王 昌齡 王 維
杜 甫 張 籍

白雲何處更相期不遇山僧知問誰先拂商絃後角

羽水寒煙淡落花時

李益
李頎
韋應物
王建

旅館寒燈獨不眠故園迢遞隔山川
秋來見月多歸

思漫奏南薰億萬年

高適
張仲素
雍陶
司馬逸

天際碧雲淨如水纖纖初月上鴉黃
彈調寫恨意無

盡共滴柴門一夜長

錢起
盧照隣
李白
李益

踏得蒼苔一徑深月軒修竹轉涼陰
金鈴犬吠梧桐

院誰和騶虞發素琴

司空圖
獨孤及
鄭谷
王建

天街夜色涼如水葉上秋光白露寒
已把焦桐傳密

意更無人倚玉闌干

王 廷 羊士諤
司馬相如 崔 昇

三百枯棋奕思沉故人芳草夢難尋千年別恨調琴

懶傳得歌聲與客心

獨孤及 劉禹錫
王 建 宋 濟

月與高人本有期坐來雲影入華池願持東武宮商

韻君再遊今復何時

蘇 軾 顧 况
司馬逸 宋之問

萬里浮雲陰且晴琴聲三疊道初成風飄律呂相和

切總是關山離別情

李 頎 李 白
杜 甫 王昌齡

月明山水共蒼蒼冷淡爲歡意自長無奈莊生携操

去送君不覺有離傷

戴叔倫
向伯明

蔣軾
王昌齡

布帆無恙挂秋風
踏閣攀林恨不同
久擅龍門質孤

竦愁君客路在其中

李
楊師道

韋應物
皇甫冉

秋風鶴唳石頭城
新月猶懸幾杵鳴
不覺繁聲論遠

意何人不起故園情

王維
司馬逸

杜甫
李白

敬亭山燕倪若稷具草

聽琴詩餘

點絳脣

觀雅鼓譜譜

臨溪談

慎

子申

細抹輕挑。問心何字非原調。殊塗墨妙。這譜真難肖。
○十二新章。總把精神照。人誰料。相如應

詔。獻賦登

廊廟。

鷓鴣天

咏十六法

祖山通

濟

默爲

脆滑琴音鬆且輕。鳴絃高潔論虛清。幽奇古淡情堪

往徐疾中和意可傾。○銀月下。沸秋聲。梧桐露滴彩雲生。泠泠指上鉤天奏。雅韻新標世所旌。

長相思

送別
聽琴

吳水流。越水流。望遠三山古渡頭。欣欣南浦遊。○賦悲秋。操悲秋。一曲琴彈鶴唳幽。清風月滿樓。

凌波曲

西陵柳

葵

靖公

攜琴出遊。彈琴解愁。天涯知己紛投。似山高水充。○清音一丘。清輝一鉤。置身十二瓊樓。落天風瑤。

水龍吟

菰城陳廷藻

冰遠

想公和鼓琴時。與中散廣陵同妙。怡神理性。元音伊始。乾坤堪嘯。光浮海印。衆山皆響。至今誰紹。徧寰區。有蜨菴莊子。最能探討其浚奧。○製譜心聲。獨訓盡淵微。而諧諸要。從來操縵。高山流水。知之者少。曾聽揮絃。結廂靈嶽。靜中尤好。更窮源。洞徹天真律呂。古今師表。

行香子二闕

黃山程

邃

穆倩

爾我茫茫。婚嫁皇皇。戲彈鋏。聲協宮商。君懷玉鐸。囊
以七襄。問樊中焦。腸中熱。眼中涼。○放浪行藏。蕭瑟
文章。問將軍。敝屣干將。千秋寥廓。八表翱翔。檀樂無
涯。心無盡。壽無疆。

呼動長房。神會虞皇。人間世。刻羽移商。難索成連。遠
想師襄。并海風雄。山風靜。竹風涼。○清夜壺觴。美代
詞章。更金戈。鐵馬相將。手揮目送。鳳集鸞翔。是後無
今。前無古。道無疆。

菩薩蠻二闕

西吳沈 泌 方鄴

石牀滿覆桐花軟。寥天目送飛歸鴻。遠晏坐鼓瑤琴。
悠然生道心。○漆園元傲吏。栩栩還相類。山水韻淒
清。成連移我情。

其二

香濃寶鴨縈新篆。幽人一曲牕紗畔。碧月上欄杆。冷
泠十指寒。○細泉春澗緩。此是廣陵散。舉世少知音。
蒼茫獨賞心。

御帶裁金縷

閩陵

彭飛濤

小山攢翠清波遠。負郭都栽桑柘。漁簑載酒。竹籬燈
火。居然村舍。更何論尚書綠野。捉鼻東山。猶未免笑
吾儕。早結耆英社。但觴詠。共清夜。○客抱琴來溪樹
裏。庭鶴窺人。煙景如畫。冰絃乍拂。似楚峽猿吟。秋風
葉下。正小雨。竹窻清話。傳語諸君。須少住。聽鈞天一
曲多瀟灑。鼓琴者。莊生也。

樂府

傳聞人

步步嬌

杭州柳

葵

靖公

簾影橫斜。夢遮映。地遠柴門靜。天空景物清。香裊金爐茗。泛春鼎。指玉憂絃冰。這風流判與高人領。

江兒水

雷斲寒成調。桐焦火作聲。高山流水無人聽。別鶴離鸞無人正。幽蘭白雪無人贈。莊子揮絃獨勝。冬夏春秋都與宮商相應。

玉交枝

湘潭波靜。夜烏啼悽悽。月明。繁音促節。霜華冷。衡陽
雁叫破青程。龍吟十弄。夢中成。清溪五曲。煙中景。按
雍門長清短清。辨岐王。秦聲楚聲。

玉抱肚

龍門誰並。聽雲邊笙吹鶴鳴。瀉銀濤。修竹留風。得羊
珠瑤島長生。鈞天逸響。轉宮鶯。修袂還童。一水盈。

川撥棹

空山磬。釋談章發。潑省。醉芳心春思梨雲。醉芳心春
思梨雲。太平奏簫韶九成。蚤朝吟爽氣凝。蚤朝吟爽
氣凝。

三峽流泉四座清。誰說何勞絃上聲。端的可導德宣
情。端的可導德宣情。勝中散當年廣陵。問桓譚操可
曾。問桓譚操可曾。

前腔

尾聲

一彈再鼓聲依永。萬籟蕭蕭荷翠屏。從此掩卻吾家

雙鑲名

有絃有歌。古之道也。有倡有和。人之情也。蝶庵莊子精於琴。所以表彰之者。旣已序之。詠之。諸體皆備。而柳子靖公獨以填詞相贈。借九宮一曲。描寫蝶庵新製十二譜。五彩炫爛。若無縫天衣。則真稱絕調也已。蓋柳子固恃其所長。然以今之絃歌。迫合古之絃歌。相去亦不致河漢。求其友聲。是亦縞帶之歡云爾。

武林王 倬 麗氏跋

越調
過曲 漁家傲

武林陸雲

天清

欄戶晴雲繞座飛。金鴨香飄。煙隱翠微。移情止有絲
桐美。月明天際。花發庭前。泉流石底。一曲臨風可息
機。

前腔

鳥舞魚遊興不違。白鵲鳴翔。師曠擅奇。龍吟十弄多
深致。妙臻羊體。功越嵇心。千秋獨契。靜聽君操世所
稀。

剔銀燈

叩羽角。溫寒遞移鼓宮絃。慶雲欲降。召南呂。習習涼
風起。激蕤賓。冉冉陽和至。堪追瓠巴異術。夏不數高
山子期。

攤破地錦花

訪清溪。寫靈迹。超人意。雲生石衣。悠揚處。一片花飛。
流水泠泠。玉屑霏霏。廣陵散。有誰知。

麻婆子

焦尾焦尾。饒風韻。幽隱俗事希。綠綺綠綺。偏清雅。閒情望夕暉。漫愁化作綵雲飛。祇疑身欲乘風去。但識琴中趣。試問陶家。聞此更何依。

湖上月夜聽琴酬莊蝶菴道翁

有跋

南商調二郎神

西湖許敦焚

常伯

秋風起。人在西泠西。復西。見澹月籠烟。剛一縷。同人笑語。喚取聽琴來去。恰好茶香酒熟時。觴莊叟。慕天席地。今宵裏。遇高山流水。恍忽似。鉅期。

集賢賓

移宮換羽。汎新詞。夏白雪隨之。謾謾松風聲逾美。看
嵇阮坐參差。神怡心醉。攜鳳尾。月中更替清微髓。嘆
司馬淚痕濕地。

黃鶯兒

漸漸月西飛。料嫦娥掩鏡回。人奏清商還未已。芳庭
梧放。几襲荷香。罷棋一聲一字。冰絃晚。可人的飄飄
蕭灑。指下逗微微。

猶兒墜

夜深雲鎖。鴈咏鬪桐絲。得句欣將贈所私。拙箋紀事
漫題詩。風致覺冉冉。金徽點點離奇。

尾文

銀濤滾雪。拚沉醉。此夜淒清不負矣。須曉得聽此新
聲。生受你。

此詞譜商調也。丁未新秋。明月之夕。偕蝶菴。傍荷
香。進名酒。鼓瑤琴。循汎湖之故事。續彥伯之風流。

儼若鶯喉宛轉如絲如珠。翊翊如烟波縹緲之次。
不覺其神魂飛舞。聊製是曲以和之。自跋。

北二犯江兒水

傅治平

後序

山明花秀。恰好值山明花秀。清風明月有。乍金猊篆
冷。蝶夢醒。遊撫焦桐。陽春奏。魚出聽音幽。泠泠水指
流。聲入雲頭。鶴唳松楸。韻悠揚。屑霏霏。嵇康又伯牙
喜儔。的然是伯牙喜儔。成連畏友。真箇是成連畏友。
這時節。欲乘風歸到十洲。

蒲庭芳

錢塘張台柱

紙中

茶熟龍團。香添鳳髓。夜深寒露初垂。疎簾半捲。天淡
絳河低。一派花枝柳枝。遮不斷。月影星輝。殘更靜。張
微一曲。不住彩雲飛。○悽悽絃未絕。離群鶴怨。獨舞
鸞悲。聽江流聲咽。鴈陣驚回。四座相看悄悄。都不覺
淚滿春衣。東風外。餘音嫋嫋。千樹曉鶯啼。

積潦成山今人止見爲山聚流成海今人
止見爲海乃覺造五風樓者尚有奔
鑿痕也非有驅使古人之才安能供
我筆端若此子佩粒民各得三十首
使螭老琴心琴聲洋洋入耳根可畏
帝上修名楚鄧剡陳國書

情遠運乎神思
柔才用以寓學
紀胸羅萬卷
何能之鑒然
是以捧誦贈之
皆風雅純偏
之句
琴心詩韻
又情山色
俱可附蜨庵
先立以五
傳不朽也歟

篤水何子吳望子